

SENNACIULO

OFICIALA ORGANO DE SENNACIECA ASOCIO TUTMONDA

REDAKTEJO, ADMINISTREJO K SIDEJO DE PLENUM-KOMITATO : 23, rue Boyer, Paris 20*

Postĉekaj kontoj je nomo de SAT-Paris: Bruxelles n-o 350 189, S'Gravenhage n-o 211 533, Kopenhago n-o 4 986, Leipzig n-o 85 148. Paris n-o 1234 22, Stokholmo n-o 74 153, Wien n-o D-109 068, Zagreb n-o 41 448, Zürich n-o VIII-200 49. Alilande oni pagu per poŝtmandato je nomo de SAT, bonvalutaj devizoj en rekom. letero aŭ bankĉeko je nomo de « L. Bannier ».

PRI KELKAJ FUNDAMENTAJ PRINCIPOJ

Inter la akuzoj, agitele jetataj per krudaj k incitaj esprimoj de malsinceraĵoj personoj el la IPE-tendaro kontraŭ SAT-gvidantoj k-membroj, retenis mian atenton speciale unu, kiu riproĉas la neplenumon de principa postulo statuta. (Mi volas enkonduke rimarkigi, ke mi tute ne intencas polemiki kontraŭ la aŭtoroj de la fiartikoloj, kiuj aperis en la n-o 7 de « Sur Posteno »; tiaj personoj, pro sia evidenta malhonesto k malsincero, meritas nur nian kompletan ignoron. Tamen havas valoron laŭ mia opinio, bonuzi la okazon por komenti k firmigi en la pensoj la ideojn, kiuj staras ĉe la bazo de nia organizo.)

Efektive, en la paragrafo 1-a de la Statuto oni legas: « (SAT estas Asocio, kiu celas) lernigadi, instruadi, klerigadi siajn membrojn tiele, ke ili fariĝu la plej kapablaj k plej perfektaj el la tiel nomataj internaciistoj... ». Tio estas unu el la bazaj principoj k taskoj de la tuta SAT-agado. Se ni ne povus utiligi esperanton en tiu senco: en la formado de spiritostato, kiun plej trafe oni difinas per la termino « sennacieca », tiam nia tuta laboro estus sensignifa k eĉ sensenca.

La malsincera riproĉo en la IPE-gazeto direktis sin kontraŭ la skribmaniero de iu germana K-do, kiu ĝuste reflektas la spiritostaton de palpanto, de serĉanto, sed tute ne tiun de « faŝista agento ». Kiel ĉi lastan nome konsideras lin la aŭtoro de la fiartikolo menciita — cetere estas neniam dubo, ke la skribaĵo serĉis per tio nuran pretekston por ataki la redakcion de « Sennacieca Revuo ».

La serĉado pri la vojo, la hezitado, la dubo mem, estas karakterizaj por pensanta homo. Kaj ni dezirus, ke ĉiu SAT-ano ne nur akceptu blinde la unuan paragrafon de nia Statuto, sed tralegu ĝin multfoje k pripensu ĝian profundan senco. Tiu germana K-do, kiu staris, kiam li skribis siajn liniojn, sub la senpera

impreso de la travivaĵoj, kiuj akompanis la alvenon de Hitler al la regpovo, estis kondukata, kiel multaj aliaj, al kritika observado: Pro kio, li sin demandis, tiu spiritostato de ekstrema naciismo venkas super la proleta internaciismo hodiaŭ en Germanio? Kiun sencon, kiun signifon havas tiu fakto, ke multaj milionoj da homoj, inter ili sennombraj proletoj, kiuj iam entuziasmiĝis por la Tutmonda revolucio, hodiaŭ ne nur toleras, sed eĉ subtenas reĝimon de diktatoreco, kies simbolo estas la Nacio?

Certe, se oni estas ĝisfunde ortodoksa (aŭ ŝajnigas almenaŭ esti tia, kiel G. Demidjuk), ĉion oni klarigas, sen kaprompado, laŭ sia kateĥismo, kiu donas klarigojn k rimedojn pri ĉio en similaj cirkonstancoj, eĉ la plej neatenditaj k neantaŭviditaj. Sed pensanta homo ne povas konsenti kun tia metodo. Tiu komparas, diskutas, serĉas, provas kompreni per sia sana homa racio, mallonge, por paroli per la vortoj de la Statuto: li celas eviti la « dogmiĝon de la instruoj, kiujn li ricevas en sia aparta medio. »

Mi ne volas diri, ke ĉe tia serĉado k komparado la ortodoksa kateĥismo havu absolute nenian rolon. Ne! marksanoj kiel nemarksanoj havas intereson k utilon legi la pensojn k sugestojn de Marks k aliaj socialistaj pensuloj pri tiu aŭ alia demando, k ili konkludas per tiu legado mem, ĝis kia grado praviĝas la doktrino, k kio ŝajnas laŭ la aktualaj cirkonstancoj aldonenda aŭ eĉ... korektenda.

Kia do estis k estas la kaŭzo por la nuna malforto de la laborista movado? Kial do la gigantaj organizoj financitaj de milionoj da grandparte klaskonsciaj laboristoj disfalis tiel subite en Germanio ĉe la unua decida ekpuŝo de la Hitlera atakego? Ĉu kulpas nur la laŭpartia dividiĝo k malunueco de la klasbatalantoj? Ĉu estis nur pro tio, ke gvidantoj ne donis en la ĝusta momento la signal-

vorton por batalo? Aŭ ĉu ne pli vere tio okazis, ĉar la vera konscio de l'individoj ne estis sufiĉe evoluigita, k la cerboj kvankam reagante eventuale je signaldiroj, ne sciis klare kompreni la signifon de sia batalo por libero? Pro manko de konvinko k de kompreno precipe rilate la tutmondan solidaron de la proletaro, pro tio ke praktike la interligon tenis nur la gvidinstancoj, kies presita aŭ buŝe prezentita raporto neniel povus anstataŭi la *personan sperton sur internacia kampo*.

La fama devizo pri la unuiĝo de l'proletaro el la mondo devis tial resti malneta, nebula, neverŝajna eldiraĵo en la menso de la laboristoj. Neniu volos aserti al ni, ke ekzemple sovetia laboristo, unulingvulo, malgraŭ la agitvortoj pentritaj sur banderoj, kiujn oni portas ĉe manifestacioj antaŭ la Kremlo, povas akiri ĝustan komprenon pri la situacio de alilandaj laboristoj. Ĉar li ja ne havas la eblon interligiĝi rekte kun eksterlandaj proletoj; eĉ okaze de vizito de eksterlandaj laboristoj al Sovetio ankaŭ nur samlingvanoj, esperantistoj estas privilegiitaj rilate la interkompreniĝon. Kaj la *rekta k individua* korespondado kun alilandaj proletoj ankaŭ preskaŭ ekskluzive estas rezervita al la relative malmultaj uzantoj de esperanto¹...

Sed ni revenu al la germana ekzemplo: La malsufiĉo de sennacieca edukado ĉe la laboristaj amasoj estas sendube unu el la kaŭzoj, pro kiuj fiaskis la nuntempa laborista movado en Germanio k aliloke k disfalas sub la unuaj seriozaj elprovoj. Ĝi klarigas ankaŭ, kial povis tiagrade reeksprospiri en la mensoj la naciista ideologio k enradikiĝi ventrapide en milionoj da germanoj, kiujn suprajemuloj erare en sia tuto titolas per *elburgaro*.

¹ Cetere la malpermeso de SAT en Sovetio efikis unuavice malhelpo je tiu interkontaktiĝo peresperanta de K-do al K-do; ĝi sekve servis objekte al la celoj de naciistoj.

Anstataŭ riproĉi al la pripensema germana K-do, kiu cerbumis pri tiuj aferoj k esploris malkaŝe pri la kialo de la naciista venko, anstataŭ lin insulte trakti k forpuŝi per tio tute certe el la rondo de tutmondanoj, estus devo de laborista esperantisto (k tiom pli de redaktoro), dank' al la komuna lingvo plifirmigi k plisolidigi la jam kreitan kontakton. Se tiel ne jam okazis per la SAT-laboro, ne estus klarigebla ja la fakto, ke ankoraŭ nuntempe tre granda nombro da K-doĵ en Germanio, spitante la ĉiam minacantan danĝeron pri malliberiĝo, restas en kontakto kun siaj samcelanoj alilandaj, k tiuj K-doĵ dankas sian kontakton nek al unu el la politikaj partioj, nek al siaj sindikataj asocioj, sed al la organizo de la laboristaj esperantistoj-SAT.

N. B.

Vasto de l'gazet-kolporto
Mezuril' de nia forto !
La eldonkvanto de tiu ĉi numero estas

4000 EKZEMPLEROJ.

Kion signifas la sukceso de A.D.L.E.L. ?

La Direkcio k la Literatura Sekcio, diskutante pri la plano k starigo de ADLEL, (Asocio por disvastigo de laborist-tendenca Esperanto-Literaturo), konsideris diversajn vidpunktojn, kiuj necesigis la funkciigon de tiu ĉi nova SAT-entrepreno. Nun, kiam la plano jam eniris la stadion de la realiĝo, kiam ni vidas, ke la entrepreno ekfloros, vivplena burĝono, ŝajnas al mi necese, ke la SAT-anoj ankaŭ konu k ĝuste taksu la gravan signifon de la ADLEL-a sukceso.

Ni ekiru de la vidpunkto movada.

Ni estas laboristaj esperantistoj k instruadas esperanton al la laboristoj en ĉiuj landoj tra la mondo. Jam antaŭ longe oni konstatis, ke sen facila, unueca k vivanta internacia lingvo, inter la laboristaro de la mondo — eĉ inter sampartianoj — neniam regos la tiom multe pritraktata k dezirata internacia solidaro, kvankam ĝi estas necesa por la emancipiĝo de la laboristaro. Do, por krei internacian solidaran ligon k sennaciecan spiriton, estas absolute necesa la internacia lingvo esperanto.

Sed, se ni akceptas la tezon, ke la kerno de vivanta lingvo estas ĝia literaturo, kiu unuecigas k evoluigas ĝin, tiam estas nepre bezonata floranta, vivplena literaturo ankaŭ en esperanto. Kaj, kompreneble, ni laboristaj esperantistoj bezonas tian literaturon, kiu konformas al niaj ideoj, al niaj aspiroj k celadoj.

Kiam ni entreprenis la starigon de ADLEL, nin gvidis la celo, krei tian

literaturon ankaŭ en esperanto, por la spirita nutro en distra formo, por la tutmonda lab. esperantistaro, samtempe firmigante tiujn ŝtupojn, sur kiuj esperanto, kiel lingvo, jam surpaŝis, trotante alla ĝenerala akceptiĝo.

Jen aro da faktoj, kiujn ĉiu lab. esperantisto, precipe SAT-ano, konstante devas teni en la memoro.

Sed ni iru pluen ! Montriĝas iu signifoplena fakto, nome tiu, ke la laboristaro en ĉiuj kapitalistaj landoj havas la saman lokiĝon, la saman sorton. Ĝi speguliĝas plenlume en la verkoj de diverslandaj aŭtoroj, kiuj verkas en sia nacia lingvo k ĉerpas siajn temojn el la vivo, lukto k sufero de la milionoj. La samsorteco elstaras, malgraŭ ke tiuj verkoj ĉiam surportas ian lokan nacian stampon.

Sed antaŭ ni konturiĝas modele la homo de estonta sociordo, ni nomu lin *sennaciulo*, kiu kapablos libere pensi k senti, la *sennaciulo*, la homo de la epoko, en kiu tra la mondo estos triumfinta la Socialismo. En tiu ankoraŭ tre fora universala socio la literaturo ankaŭ devos nepre surporti la stampon de tiu ideala sociordo. Ĉu tia literaturo estas imagebla en nacia lingvo ? Mi dubas.

Sed ni restu ĉe la nuno. Ĉar hodiaŭ ni ja nur... *aspiras* al tiu luma estonto. Jen, ĝuste la literaturo estas la plej potenca vojrompilo al la estonto. La Literatura Sekcio konstatis, ke inter niaj vicoj troviĝas kreantaj fortoj, en kiuj estas rekonebla la taŭga spirito por la kreo de tiaspeca nobl-aspira literaturo, kiu montras la vojon al la laborista esperantistaro, same kiel lumturo en nigra nokto montras la ĝustan direkton al la ŝipo puŝegata de ondegoj al danĝeraj rifoj.

Jes, ja ! Krom la tradukoj el diversaj lingvoj (de nur altvaloraj verkoj) ni bezonas ankaŭ tian literaturon, kiu originas el la novdata k propasperta mondo esperantista. Originalan literaturon, kiu signos la vojon al la supre priskribita estonta sociordo ideala per prezento de figuroj el la nuno, kiuj kun streĉitaj fortoj kuriere trovas ĝiadirekten.

Bona nepre laborist-tendenca traduk-literaturo. Kreo de valora originala literaturo, k la tuton por la kiel eble plej malalta prezo, por igi ĝin akirebla al la laboristaj esperantistoj. Tion ĉi volas ADLEL k tion ĉi kunportas ĝia sukceso ! Forta, vivplena ekpaŝo al la estonto.

EMBA, sekretario de la Literatura
Sekcio de SAT.

ATENTIGO.

La signo, kiun la legantoj trovas ĉe la fino de la n-o, estas la sindikata marko; ĝi indikas, ke la presisto plenumas la regularon de la sindikato, k ke la presejaj laboristoj estas sindikatanaj.

A. D. L. E. L.

Ni informas vin, ke dum la unuaj tagoj de marto la ADLEL-anoj ricevos (ĉu rekte el la presejo en Anemaso, ĉu el Parizo) la unuan volumon de la ĉi-jara serio: LA BRAVA SOLDATO ŜVEJK (broŝuritan aŭ binditan, laŭ sia mendo) k krome «Kandid» aŭ alian libron, kiun ili elektis laŭ la SAT-katalogo.

Krome ni baldaŭ mendas la kompostadon de JIMMY HIGGINS, la fama verko de U. Sinclair, kiu havos pli ol 300 paĝojn (k ne 260, kiel ni unue supozis).

Ni petas la anojn, kiuj pagis nur la unuan parton de la kolizo (20 fr.), TUJ ĝiri al SAT ĉu la duan parton de la pago (15 fr.) ĉu la tutan reston de la abono (30 fr.).

Direkcio de SAT.

Ies Opinio

En sia gazeta rubriko kun titolo «Ies Opinio» la konata usona avangardulo k ĵurnalisto Dana Slit (Sleeth), nova SAT-ano, aperigis ĉi-suban artikolon en januaro en la sekvantaj ĉiutagaj gazetoj usonaj: «Seattle Star», «Tacoma Times»; «Spokane Press»; «Boise Capital News»; «Portland New Telegram» k «Post Record» el La Anĝel-urbo (Los Angeles). Krome ĝi aperis en multaj aliaj pli malgrandaj usonaj gazetoj.

Bedaŭrinde ni povas prezenti nur proksimuman tradukon de la tuta artikolo, pro tio ke svarmas en ĝi usonismoj treege malfacile tradukeblaj en lingvaĵon kompreneblan por eŭropanoj. La laŭvorta traduko, kiun liveris al ni nia nelacigebla amiko k varbulo J. Ege (16 285) (al kiu ni ŝuldas la nuntempajn sukcesojn de SAT en Usono) povus eble esti komprenata de usona esperantisto, sed ne de aliaj, kiuj malkonas la spiritostaton de la usona legantaro, al kiu sin turnas Dana Slit propagandcele. —Red.

... Nova tasko stariĝas antaŭ mi, la tasko lerni esperanton. Mi verkis pri esperanto k tuj ĉiuj marĉandistoj pri esperanto bombardis min, k ilia argumento estis logika: «Se vi kredas al nia ideo, kial ne aliĝi?»

Ne ekzistas respondo al tia argumento; tial mi senpacience atendas la esperantan lernolibron, k kiam mi ricevos ĝin, mi uzos kelkajn horojn por pripensi ĝian enhavon; pli da nenecesa laboro, sed paĉjo estas kuraĝa.

Esperanto-amiko sendis al mi la novembran n-ron de «Sennaciulo» sur kies 10-a paĝo mi trovis miajn freŝdatajn dirojn priesperantajn sub

la titolo « Propagando en Usono ». Kaj tie mi legis mian nomon transskribitan en esperanto k, kun tio, mi estus doninta semajnan salajron kiel mulpelisto por esti kapabla eldiri similajn aferojn¹. Mi estas nomita « diversajoj en naŭ lingvoj k paro da ĉinaj dialektoj² », sed esperanto min venkas. Mi simple devas alpreni tiun perilon por interŝanĝo k ĝin studi; ekzistas kelkaj personoj, kiujn mi ŝatus malbeni en universala lingvo.

Tiel mi ekiras denove, verkas iomete por helpi al mondpaco k fine forsendas ĉekon kun la celo aĉeti lernolibron.

Sovetio estas la sola lando, kiu estas eldoninta poŝtmarkon por memorsoleni esperanto-kongreson. Kiam oni diras, ke Sovetio deziras militon, oni mensogas al vi. Multaj nacioj estas eldonintaj poŝtmarkojn memore al mortintaj herooj, nur unu eldonis poŝtmarkon por forigi militon....

Ial, mi estas esperantistiĝanta; jen al tria societo mi aliĝas³. Ne por serĉi postenon, ĉar mi rigardas prefere miajn societajn devojn kiel seriozaĵon.

Dana Slit.

FANTAZIAĴOJ EN "SUR POSTENO"

Fine de la pasinta jaro aperis esperantlingva revuo « La Kritika Observanto », kiun ni recenzis detale en « S-ulo » n-ro 410. M. Boubou, kiu laŭŝajne tute perdis sian juĝkapablon pro la malamo k malfavoremo kontraŭ SAT, organizo de laboristaj esperantistoj, vidas fantomojn k malkovras en la eldono de tiu ĉi revuo « novan taktikon de la sennaciista sekto ». Tiu ĉi manio, vidi en ĉiuj esperantaĵoj, kiuj ne estas eldonitaj de IPE, la manon de K-do Lanti k ideojn de la « sennaciista sekto », vere forkondukas Boubou-on de la reala mondo al iu nubolando.

Li « facile rekonas » la manon de K-do Lanti en la artikoloj de « La Kritika Observanto », kvankam Lanti neniam skribis eĉ vorteton en tiu ĉi revuo, kiun li ne ricevis pli frue ol la redakcio de « Sur Posteno ». Nek li nek K-do Bartelmes havis iajn rilatojn al « La Kritika Observanto ». Boubou citas kelkajn alineojn el unu el la seriozaj, objektivaj artikoloj k juĝas ilin kontraŭmarksaj, neniel argumentante kontraŭ la bone

pravigitaj opinioj de la revuo. Miksante la enhavon de la revuo kun la sennaciisma teorio de Lanti, li pravas, ke li nek komprenis la artikolon de « La Kritika Observanto », nek la ideojn de Sennaciismo. Li ne konas la Marksian doktrinon mem, ĉar li laŭŝajne opinias, ke tiu ĉi doktrino agnoskas objektivajn verojn, kvankam estas konate, ke Engels konsideris tion kiel « pli altan sensencaĵon ». La « cerbumado » efektive ne estas por li ŝatata okupo, ĉar aliel li devus timi fariĝi « filozofo » — nomo sufiĉe aĉa en la okuloj de Boubou k K^{io}.

Estas vere mirige, ke la Moskva redakcio sin kompromitas tiom evidente per la publikigo de tia fantaziaĵo.

H. P.

Por Ŝtopi la Breĉon

28. listo

Naciano.....	8	ffr.
El Germanio.....	3	mk. g.
Same.....	3	mk. g.
K-dino Lans, Roterd.	1	gd.
K-dino Beckeringh-Kremer	1	gd.
K-do Dreves Uitterdijk ..	0.40	gd.
Auberger-Paris.....	10	ffr.
Belaud (18.515).....	5.50	ffr.
Kamparanino.....	5.—	gd.

Pionirlaboro en Portugalio

En Portugalio fondiĝis instituto, kvankam neoficiala, por propagando de esperanto en la portugallingvaj regionoj. Tiu ĉi instituto, kies nomo estas « Portugala Akademio de Esperanto », kun sidejo en Lisbono, Rua do Jardim do Regedor, 5, 4-o E., komencis eldoni *Kompletan Kurson de esperanto*, liveratan laŭkajere al la kursanoj aŭ izolaj memlernantoj. La unua kajero ĵus aperis k enhavas detalan traktaĵon pri deveno k historio de la mondlingva movado, donantan al la novaj adeptoj de esperanto larĝan konon pri la tuta lingva problemo. La aktuala situacio de la esperanta movado en Portugalio k Brazilio vidiĝas per la listo de esp. organizoj, inter kiuj SAT okupas *reliefan lokon*. La tuta verko de la « Kompletata Kurso » ampleksos 17 kajerojn, kiuj kostas por Portugalio 40 k por la eksterlando 50 eskudojn.

La refortiĝo de la esp. movado en Portugalio certe progresos pli rapide sub la influo de tiu ĉi nova faktoro de instruado k propagando.

PLENA VORTARO DE ESPERANTO

2-a eldono

kompostigis. Baldaŭ aperos.

LA LIBERO DE ŜTATOFICISTOJ EN NEDERLANDO

Libero... gajo, jen vortoj, kiuj ne plu ekzistas por ni: ŝtatsklavoj. La registaro, konkurence al la faŝismaj partioj, malpermesis al siaj dungitoj la membrecon al ĉiu revolucia partio. La kom. partio, O.S.P. (Sendependa socialista partio), anarkistaj partioj k aliaj fariĝis subite tiel ŝtatdangeraĵoj, ke sekve de tio oni ne plu rajtas esti membro; eĉ subteno malgraŭ nemembreco signifas maldungon.

Strange estas, ke la Socialista demokrata partio ne ankoraŭ troviĝas sur la listo, kiun ni devis subskribi por atesti, ke oni ne estas membro nek subtenas iun el la partioj troviĝantaj sur la nomita listo. Nur la oficistoj, deĵorantaj sub estreco de la ministro por defendo, ankaŭ ne plu rajtas esti anoj de la S.D.A.P. (socialdem. partio). Ankaŭ la faŝistaj partioj estas tabuo por ni ŝtatoficistoj.

En la teksto de la listo oni zorge atentis ankaŭ la estonton, ĉar la dokumento estas redaktita en prezenco k futuro. Fakte estas, ke la kvanto da revoluciemaj ŝtatoficistoj estas ridige malmultnombra; la ago de la registaro signifas do pli vere aĉan manovron k nur servas por kontentigi la reakciemulojn, k samtempe kapti la venton el la veloj de la faŝistaj ŝipoj.

Per ŝtelistoj oni kaptas ŝtelistojn, — tiun proverbon oni ĉi tie praktike aplikas. Alivorte, enkonduku kelkajn postulojn de via kontraŭulo (ĉi tie la konkurencaj faŝistaj partioj), k li perdos sian kreskoforton.

Nun ni ja rajtas supozi, ke ĉiuj ŝtatoficistoj estas nedangeraĵoj obeemaj servistoj, ĉar pro la neeblo esti ano al iu revolucia partio, kompreneble ankaŭ ilia koncepto subite ŝanĝiĝis, ili ne plu songas, pripensas k en siaj konversacioj ne plu tuŝas la socialismajn ideojn.

Nia spirito, same kiel tiu de la germanoj, en la tempo de kelkaj horoj radikale aliĝis. — Ĉu vere? Ĉu ne multaj sekrete agas same kiel antaŭe? Sed la fakto evidentas, ke postrestas nigra makulo en la nederlanda historio, kiu iam havis la famon, ke la indiĝenoj de ĉi tiu landeto altentenas la liberon k estas tre demokrataj.

Sur la menciita listo ankaŭ troviĝas N.U.K. (= Nederlanda « unuiga » komitato); tiu komitato konsistas el opoziciuloj k eksigitoj el nia Federacio (Lab. Esperantista). Se inter ili estas ŝtatoficistoj, mi speciale kompatas ilin, ĉar ĝis nun ili ne bonŝancis en la I.P.E.-movado.

Espereble ili finfine ekkomprenos, ke la unuiga tasko troviĝas ĉe SAT.

¹ Sendube ŝerparoloj, celantaj la lertan aranĝmanieron de nia fervora K-do 16.285, kiu varbis al esp-o K-don Slit.

² Kredeble aludo pri poligloteko de Slit. — Red.

³ Nome, al SAT. — Red.

En ĝi ni liberigas nin de ĉia partifanatiko; almenaŭ ni havas la eblon disvastigi nian koncepton pri partioj, socialismo, ktp.

Nuntempe, post la fiasko de la laboristaj partioj en Germanio, eĉ nuntempe ankoraŭ ĉiam la gvidantoj k, kun ili, ilia sekvantaro ne komprenas, ke nek la multanareco de la partioj, nek la multnombro da voĉdoniloj dum balotoj estas la plej gravaj kondiĉoj por la emancipiĝo de la laboristaro; nur la spiritostato de ĉi lasta alportos la venkon. Tiom longe kiel la laboristoj staras dise, tiom longe kiel ili blekas kiel la ŝafaro, kiam ili estas gvidataj, ĉu al paŝtejo, ĉu al buĉejo (pardonu, K-do Lanti), tiom longe ili ne akiras la potencon, k akirinte ĝin, ne mantenas ĝin.

Malmultaj estas ni SAT-anoj, ankaŭ ni ne ankoraŭ estas perfektuloj, klaskonsciuloj, sed mi ne dubas: ni estas sur la ĝusta vojo. Ni utiligu la fakton, ke SAT ne troviĝas sur la menciita listo, k ni streĉu la fortojn, por propagandi por nia celo; ankaŭ la ne-ŝtatoficiistoj-SAT-anoj propagandu senlace la unuigan taskon de SAT.

Kaj vi, nederlandaj Federaciaĵoj, ne-SAT-anoj, sed legantoj de « Sennaciulo », venu en niajn vicajn, aniĝu k fariĝu abonantoj al « Sennacieca Revuo », prikonsideru, ke per tio vi fariĝos *aktivaj* esperantistoj por via propra avantaĝo, por tiu de la lab. esperanta movado k ne malpli profite al nia vivtasko, la Socialismo.

Nun ni ankoraŭ posedas parton da libero en Nederlando; ni utiligu ĝin! Kun sennaciecaj salutoj.

Ŝtatŝklavo.

Baldaŭ aperos:

J. HAŠEK.

LA BRAVA SOLDATO ŠVEJK

dum la mondmilito.

Tradukis J. ŠTADLER.

150 paĝoj.

Prezo: broŝ. 12.50 fr., bind. 17.50 fr. fr.

Unua volumo A.D.L.E.L. — serio.

Hitler kaj la Laboristaro

Estas rimarkende, ke la sekvanta artikolo estas traduko ne el iu komunista gazeto, sed el unu el la plej gravaj grandkapitalistaj gazetoj de Usono, nome « New York Times », (18. jan. 1934).

« Elpensita de la Hitlera reĝimo en Berlino, la nova germana kodo por la laboristaro estas kompreneble volvita en multajn belajn frazojn. Ĝi entenos ne nur la novan senton pri « socia honoro », sed ankaŭ tiun pri nacia solidaro. Ne nur laboristoj, sed ankaŭ dungantoj devas konsideri sin nur partoj de la grandioza Hitlerana ŝtato. Iel, tiu ĉi nova dekreto enviciganta la laboristaron en Germanio, estas la evidenta imitaĵo al

Katolikoj pioniroj de l'marksismo?

ESPERO KATOLIKA, en sia numero de novembro 1933, daŭrigis publikigi artikolon de l'episkopo en Regensburg sub la titolo « Ĉu ankoraŭ ekzistas savo? », en kiu ni legas kun mirantaj okuloj, ke « kontraŭ tia malhoma, nekristana, troege materialisma enfokusigo de la ekonomio (flanke de la liberalismaj kapitalistoj Red.) protestis eminentaj katolikaj viroj jam jardekojn antaŭ Marks. La Viena konvertito Adamo Miler (Müller) longan tempon antaŭ Engels montris la grandan mizeron de l'anglaj laboristoj k skurĝis ties neprirespondan ekspluatadon ».

Sed vin, kara leganto, frapas du vortetoj, kiuj pensigas vin: La katolikaj viroj « protestis » — k Marks alvokis al klasbatalo; la katoliko « skurĝas » la ekspluatadon — sed Marks instruis, ke estas necese skurĝi la ekspluatantojn — Sed bagatelaj diferencetoj....

Cetere en la decembro n-ro E. K. direktas « Leteron al malriĉulo », konsolante la « karan malriĉan mizeran homon » per sanktigo de lia malriĉo k rimarkigas al li, ke li « ŝuldas al la Savinto dankon, kiun li plej bone donas per tio, ke li unuflanke sian sorton portas ne kun dolore kaŝita furiozo, sed kun *ŝilenta rezigno*.

« Antaŭ naskiĝo, vivo, morto de Jesuo la malriĉuloj estis malŝatata homklaso, piedpremita de ĉiuj... » K nun egalrajtaj, estimataj membroj de nia gloriĉa socio... evidente.

AD LUCEM¹

Ĝuste tiel nomiĝas la mallongigo de la « Asocio de Laikaj Universitataj Katolikoj k Misiioj por la Frata Unueco inter la Rasoj », kies prezidanto estas kardinalo Lienart, episkopo de Lilo (Lille). « La Juna Batalanto » en n-o 3/4 (nov. 33) donas detalojn pri tiu ĉi katolika propaganda organizo, resumante ĉe la fino:

« Ne ĉiu estas vokata, fariĝi membro de AD LUCEM. Sed ni ĉiuj povas kulturi en ni la spiriton de tiu movado. Ni detruu en ni la naciajn rasajn antaŭjuĝojn, ni forigu la kondamnindan fierecon, ni respektu k amu unu la alian, tute egale ĉu ni havas blankan, flavan aŭ nigran haŭton, ĉu ni apartenas al granda aŭ malgranda nacio. Ni fariĝu veraj kristanoj! Tiam ni ne bezonas perdi la kredon, ke sur ĉi tiu tero kreita de Dio kreskos nova pli granda kristanaro! »

Horizonto ne malvasta! La klasbatala laboristaro ne postrestu!

..

¹ Lumen.

Tra la Esperanta Gazetaro

« La ŝipeton tra la maltrankvila maro »

volas direkti la nova redaktoro de *Internacia Pedagogia Revuo*, s-ro E. J. Boltjes, k tial li petas ne sendi « lirikajn politikajn korelverŝojn, kiuj povus inciti... » La gaz. IPR aperis antaŭe en Germanio k estis prizorgita de saksa estraro de instruistoj. La faŝisma blovo forkirlis la organon de TAGE, ĉar ja la pedagogio en tiu lando nun estas en la manoj de suboficiroj k serĝentoj. Ni devas noti kun bedaŭro, ke la instruistoj, havantaj la reputacion esti pioniroj de kulturo k progreso, per neniu vorteto registras la invadon de nova ondo da barbareco en grandan parton de Eŭropo. Pedagogoj?

La malnova polemika melodio kontraŭ SAT aŭdiĝas en la nov.-dec. n-ro de « Arbeiter-Esperantisten » (norvega LEA-organo) sub la nemotivigita titolo « Kiuj malhelpas ». Sperta esperantisto malkovras el inter la svarmo da preseraroj la sencon de la artikolo: estas unu plia akuzo kontraŭ la sennacieca organizsistemo de SAT k oni mikŝas la fraciecan laboron de la sennaciistoj kun la gvida laboro de la Direkcio de SAT. Ĉiuj akuzoj estas batoj sur akvon, ĉar ili ne estas motivigitaj aŭ tute ne baziĝas sur reala objekto. Ĉar la Redakcia Komitato de « A.E. » montris per propravola ĝustigo de erara aserto de la verkinto sian lojalon, ni havas la fidon, ke ĝi estonte evitos novajn atakojn kontraŭ SAT.

H. P.

La konspiro de l'silento.

En « Franca Esperantisto », gazeto, kiu anstataŭas la malaperintan « La Movado », n-ro 2, aperis varma nekrologo dediĉita al la eminenta lingvisto Grosjean-Maupin k enhavanta ankaŭ liston pri la verkoj de la mortinta esperantisto, kun indiko, ĉe kiu ili estas eldonitaj. Lastvice oni legas rilate la « Plena Vortaro »-n, ke « ekzistas neniu ajn verko komparebla al tiu ĉi, kiun ĉiuj mondaj esperantistoj devus havi sur sia tablo. Ĝi estas, por la esperantistoj, kiel la « Petit Larousse » por la Francoj ». Tre laŭdplenaĵoj, sed ho! — ĉu nura hazardo? — por ĉi tiu grava verko « F.E. » « forgesas » indiki la eldoniston, kiu ja estas — neneigeble — SAT.

H. P.

TRI SVEDAJ ESPERANTISTOJ

en aĝo de 20-22-25 jaroj, deziras korespondadi kun Gekamaradoj el ĉiuj landoj. Respondegarantiata! Skribu al Tage Sjöström, Björkeslund. Rinneback. (Svedio).

tio, kion Musolini faris en Italio. Anstataŭ klasoj estu estonta « korporacia ŝtato ». En ĝi ne povas esti tia afero kiel strikoj, ĉar ili aspektus preskaŭ kiel formo de ribelo aŭ perfido, kaj tial estas absolute malpermesitaj. Tamen povas okazi lokaŭto aŭ « amasmaldungo », sed nur post kvarsemajna anonco. La laboristoj havas iun rajton apelacii al la registaro, kiu estas, cetere, reprezentata de korpuso el laboristaj konfidenculoj.

Estas certe, tamen, ke ĉiuj tiuj belaj vortoj ne maskos la veron al la malnovaj germanaj laboristaj unuiĝoj. Ili estas absolute abolitaj. Eble ekzistos ia « laboreja konsilantaro », sed la malkaŝa celo estas plene detruu la laboristan unuiĝon kiel potencon en la politika vivo k kiel potencon por

gajni avantaĝojn por la laborantaj klasoj. Tiu ĉi rapidega ago de l'Hitlera registaro ne estas malkaŝe atakebla en Germanio, sed en la publika memoro, tie ĝi estos neeviteble kunligita kun la fakto, ke la grandaj industriistoj financadis la agitadon de Hitler. Nun sentiĝas, ke li pagas al ili, kion li ŝuldas — ke donante al ili potencon fiksi salajron k horojn de laboro, li metis ilin en lokon, kie ili povas ekspluatadi laŭ volo k fari laŭ alta grado pli da mono por si mem. Kion oni pensas eksterlande, ne estas pridubebla. Britaj, francaj k usonaj laboristaj unuiĝoj miros pri la stulto, ke oni direktos frapegon al iliaj principoj k ilia vivo mem, ĝuste tiam, kiam la Nazi-registaro montras zorgon pri pacigo de l'eksterlanda opinio. »

EN NIA MOVADO

(Kroniko)

AŬSTRIO. En *Vieno* (Wien) fondiĝis kvartala grupo sendependa de A.L.L.E., kies organo estas « Sennaciulo ».

FRANCIO. *Ljono* (Lyon). Al la kursanoj la grupo decidis donaci premiojn laŭ akurata ĉeestado: t. e. post la 10-a leciono ni donacas abonon al « La Lernanto », post la 15-a « Petro » n k post la 20-a duonjaron abonon al « S-ulo ». Tiel ni certe interesos la lernantojn k... utilos al SAT.

Solliès-Pont. Revene de la Stokholma Kongreso K-do Joh. Martinez trapasis 16 landojn k paroladis en pli ol 30 urboj, propagandante por SAT. Kurso kun 20 l. ĉi-loke, el kiuj pluraj intencas partopreni la Valencian kongreson.

NEDERLANDO. *Roterdamo*. Dum la pasinta aŭtuno, kiu estas speciala propaganda sezono por esp-o en Roterdamo, estas aranĝitaj 22 kursoj kun proks. 850 partopr. Ĉi tiuj estas nur laboristaj kursoj, kiuj okazas sub la aŭspicio de la Federacio de lab. esp-istoj. Okazas momente multe pli da kursoj, ekz. ĉe la popoluniversitato, per la senlaborula komisiono, ĉe la neŭtraluloj, katolikoj k.c., sed pri ili ni ne havas sufiĉajn informojn. En *Hago* okazas 14 federaciaj kursoj kun 260 p. Kaj en la cetera provinco ni aranĝis 21 kursojn kun proks. 420 kursanoj. — En la provinco Sud-Holando sekve okazas sume 57 kursoj laboristaj kun proks. 1530 p. Tiu ĉi nombro superas ĉiujn antaŭajn. (H. G. 10 512).

PORTUGALIO. La iama « Portugala Akademio de Esperanto » nomiĝas nun « Portugala Instituto de Esperanto » (ĝi estas direktata de niaj K-doĵ). La ĵurnalo « Diario Liberal » (Lisbono) publikigis diversajn priesp-ajn k pri-SAT-ajn rekomendojn k notojn.

Estas nun liveblaj la novaj sigelmorkoj

Ili estas plurkoloraj markoj, kiuj propagandas por la kongreso de Valencio.

100 ekz-oj 5 f. fr. (inkl. afranko)

Same oni povas ricevi ĉe SAT la grandajn, tre artajn, kvarkolorajn murafiŝojn de la Kongreso. Prezo: 1.50 f. fr. aŭ unu respondkupono (ĉe mendo de pli ol unu ekzemplero: 1.— f. fr. por ekz-o).

FAKA MOVADO

ALVOKO

Al ĉiuj lab. esperantistoj k esperantaj societoj de grafikaj gelaboristoj

Karaj K-doĵ! Kvankam en multaj landoj ekzistas esperantaj societoj k grupoj de grafikaj laboristoj, kiuj tre aktive k sukcese laboras, tamen oni sentas neceson de pli vigla interrilato k pli intima kontakto. Esperanto kiel organizita kultura movado inter grafikaj laboristoj ne ekzistas, kaj pro tio ĝi ne povas montri sian gravon kaj utilon por la laborista movado ĉe multaj niaj sindikataj funkciuloj.

Por krei inter grafikaj gelaboristoj fortan esp. movadon, kiu progresigos niajn kulturajn interesojn, ni devas fondi « Internacian Grafikajn Esperantan Ligon », kies celo estas: 1) kunigi ĉiujn ekzistantajn grafikajn esp. societojn, sekciojn k grupojn por disvastigi esp-on inter ĉiulandaj grafikaj gelaboristoj. 2) postuli ĉe ĉiuj grafikaj sindikatoj helpon por la esp. movado k uzon por internaciaj rilatoj, de esp-o, 3) per interŝanĝo de informoj servi al niaj sindikataj k oficialaj gazetoj, 4) organizi internaciajn kunvenojn el delegitoj de diverslandaj grafikaj esp. societoj, 5) eldoni fakan organon k literaturon, 6) progresigi senton de solidaro inter grafikaj gelaboristoj k ilin klerigi pri la lab. movado tutmonda, 7) helpi al ĉiuj K-doĵ dum vojaĝo ktp.

K-doĵ! Subskribintaj grafikaj lab. esp-istoj invitas vin al kunlaboro por realigo de tiu alta celo. Kunigu Kamaradojn kaj instigu ilin al tiu-cela laboro. Sendu tiun alvokon al ĉiuj grafikaj esp. societoj, kun kiuj vi havas kontakton k laŭeble aperigu ĝin en sindikataj gazetoj. Sendu viajn proponojn kaj sugestojn.

Esp. sekcio de grafikaj gelaboristoj, Zagreb (Jugoslavio), Primorska ul. 2. W. Varley (17 040) « Belpenso », Earswick, York (Anglio). A. Breuer, Bratislava (Ĉeĥoslov.), Dunajska 55. Esperanto-klubben LA TIPOGRAFIISTO, Poŝt-fako 789, Stockholm (Svedio).

Duploaje — Zamenhof

Lastjare la stenografistaro solene festis la centan datrevenon de la naskiĝo de Emilo Duploaje (Duployé), elpensinto de stenografa sistemo k vulgariginto de l'rapida skribrimedo. Antaŭ li, la elpensintoj de stenografsistemoj kontentiĝis havi kelkajn disĉiplojn. Stenografio estis konsiderata kiel io malsimpla, malfacile akirebla k, konsekvence, nur kelkaj personoj dediĉis sian tempon al ĝia lernado. Kiel Zamenhof pri la lingva problemo, Duploaje multe pripenis la skriban demandon. Kiel malgraŭ evoluo de la racio k disvastigo de la

tekniko la homoj zorge konservas la lingvajn barojn, tiel ili daŭrigas skribi laŭ antikva maniero. Fari el stenografio popularan rapidan skribon estis la granda revo de Duploaje. Certe li, kiel Zamenhof, ne atingis la deziregitan celon; tamen esperanto k la stenografio de Duploaje estas realaĵoj.

Por daŭrigi la propagandon, la esperantistoj, disĉiploj ankaŭ de Duploaje, grupiĝis en *faka asocio*, nomita Stenografa Instituto Tutmonda, kies ĉefaj celoj estas la disvastigo de nia lingvo ĉe la stenografistaro k disvastigo de stenografio ĉe la esperantistaro. Pri senpaga perletera kurso pri stenografio la interesatoj turnu sin al SAT-ano A. G. Provost, 27, rue Chanzy, Paris-XI, aldonante francan poŝtmarkon aŭ respondkupono. (8733).

Ekster nia movado

En *Vieno* (Aŭstrio) okazos de 20.-24. majo Internacia Konferenco sub la devizo: Esperanto en la lernejojn k la praktikon. Ĝi okazos sub la protekto de l'Konfederacia Prezidanto de Aŭstrio (s-ro Miklas) k la Honora prezido de l'fiekzekutisto Dolfus! La komerc-k trafik-ministerio disponigis la necesan monon por la preparaj laboroj. Komercaj ĉambroj k lernejoj, instruistaj organizoj k klerig-asocioj, fervojkompanioj k aliaj trafik-unuiĝoj, ktp. estas invitataj partopreni tiun konferencon. Estas la dua tiuspeca provo; la unua okazis antaŭ dek unu jaroj. Ĉu Vieno estas taŭga atmosfero por tiaj klopodoj?

La redaktaron de « Literatura Mondo » trafis malfeliĉo en la formo de denuncio. La redaktaro konsistis el ŝtatoficiistoj, k tiaj laŭ la hungara leĝo ne rajtas sin okupi pri redaktado de ajnaj gazetoj aŭ revuoj. La bonvolema « samideano »-denuncisto tamen ne trafis sian celon, t.e. la flaskigon de la revuo; almenaŭ la lasta kajero ne havas esence diferencon aspekton, escepte ke sur ĝi ne prezentigas nomoj de redaktoroj.

A D LA BRAVA SOLDATO ŜVEJK

Se vi volas ĝui la favoran prezon, tuj aniĝu al ADLEL, kiu liveros al vi dum unu jaro kvin volumojn por nur 50 fr. frankoj. La aliĝo validas nur post pago de almenaŭ unu parto: 20 fr. fr. ĉe SAT, 23, rue Boyer, Paris 20 (por ADLEL)

Mi petis presigon de la supra traduko en « S-ulo », ĉar ĝi eble malfermos en k ekster Germanio al kelkaj la okulojn k al forkurintoj ĝi signifas iom da trankviligo, ke iliaj opinioj ne estas tiel « stultaj », kiel ili eble kelkfoje, en momentoj de senespero, aspektos.

Tiu ĉi granda kapitalista ĵurnalo parolas la malkaŝan lingvon, kiu estas iel pli kutima en Usono. Ĝi parolas la lingvon de la kapitalista klaso usona. Cetere, estas sendanĝere tiel paroli, ĉar ja temas pri « fremdlanda despotio ». Tian ni ja « kompreneble ne » havas...

La kaŭzo estas, sendube, vekiganta zorgo pri konkuranto sur la mondmerkato, konkuranto, kiu kapablos per la laboro de siaj katenitaj salajro-

sklavoj endanĝerigi la profitojn de la usona kapitalista klaso k fine peli ĝin al adopto de similaj perfortorimadoj. Kaj pro tio, iel k ial, eĉ inter la kapitalistaro regas timo.

Rilate al la belaj finfrazoj estas dirinde, ke la Hitlera reĝimo, prave, ne zorgos pri la opini-pacigo de tiaspecaj laboristaj unuiĝoj, pri kiuj parolas la « Times ». Ili estas, kiel estis ankaŭ en Germanio, ĉiam pretaj elvendi por mizera kaĉkuraĵo siajn supozatajn idealojn k principojn al sialandaj Hitleroj, tuj kiam estos okazo. La laboristoj devos konstrui novajn, Industriajn Unuiĝojn, kiujn ili mem plene kontrolos k per kiuj ili celos nenion alian ol forpreni la produktilojn el la manoj de la kapitalista klaso, ne forgesante tamen uzi ĉiujn politikajn rimedojn, kiuj estos

je ilia dispono en la respektivaj landoj. Dume ili komprenu, ke la kapitalistaj klasoj en siaj diversaj landoj per belaj parolfloroj en siaj gazetoj, ĉiu laŭ sia propra maniero, provas nebuligi la klaskonscion de la laboristoj simile al la « Times ». Kion ajn krome Ferdinando Lasal (Lasalle) diris, la laboristoj almenaŭ ne forgesu jenon el liaj instruoj:

« Nenio estas pli bone kalkulita por meti sur klason indan k profunde moralan stampon, ol la konscio, ke ĝi estas destinita fariĝi la reganta, ke ĝi havas la mision levi la bazajn principojn de sia propra rango al la digno de la principo de epoko, fari el la ideo, kiu animas ĝin, la gvidantan ideon de l'tuta socio k remodeli la lastan laŭ sia propra idealo. »

Memornoto

REPRESIS EL « SENN. REVUO »: O Clarim, Mattao (Braz.), 16., 23., 30.12. (La cisterno).

PRIESPER. ARTIK. K NOTOJN ENHAVIS: De Fakkel, Amsterd., 9., 23.1., Le passe-partout, Lyon, 3.12., Le Progrès, Lyon, 27.11., L'Abeille de la Ternoise, 7.1. (pri la morto de Grosj. Maupin), El Pueblo, Valencia, 24.1., Signalen, Stokh., 25.1. Post Record, Los Angeles, 8.1.; Perrache-Brolleaux, Lyon, jan. (kurso).

PRI SAT ENPRESIS: Signalen, Stokh., 1.2. (pri la Jarlibro), De Prolet. Frouw (virina gaz.), Amsterdam, 24.1. (rubriko en esp-o).

La « Nieuwe Apeldoornsche Courant » (nederl. gazeto) enhavas ofte ampleksan esp. lingvan rubrikon. Ni trovis tian en la n-oj de 16.9., 28.10., 4.12.33 k 27.1.34.

ATENTU! 60 gelernantoj dez. kor. kun eksterl. Gek-doj pët. Resp. gar. almenaŭ unufoje. Skribu multnombre al K-do A. B. Ostensen (Abo), « Skansen », Follo, Orkanger, Norvegio.

Recenzejo

Duope ricevitajn verkojn ni recenzas, unuope ricevitajn ni nur mencias

T. VEDER: KOMENTOJ AL LA KOMUNISTA MANIFESTO (Traduko k kompilo el la angla lingvo, kun speciala antaŭparolo al la esperanta eldono.) SAT, 23, rue Boyer, Paris XX. 1933. Form. 11 x 17 cm. 56 pg. Prezo: 3.60 fr. fr. (afrankite).

Pro sia granda koncizo la « Komunista Manifesto » de Marks k Engels estas sufiĉe malfacile digestebla studobjekto; oni devas legi k relegi ĝin, por fine posedi ĝian filozofian enhavon. Tial estas bonvenaj verk (et) oj, kiuj preparolas k komentas unu el la fundamentaj teoriaj verkoj de la Socialismo. La materialo prezentita en ĉi tiu broŝuro estas provo adapti la diversajn karakterizajn tekstlokojn de la « Manifesto » al la nunaj cirkonstancoj k speciale al tiuj de la moderna Usona socio. Ĉu sukceso? Pri tio juĝu la leganto mem. Ni notu, ke A. Petersen, la aŭtoro de la ĉefa parto de la broŝuro, vidas la sole taŭgan organizformon de la laboristaro en la Industria Unuiĝo. Polemikante la verkantoj (ankaŭ Veder mem) bedaŭrinde ofte ne estas tre taktoplenaj k traktas malsamopiniantojn, tamen samcelanojn, kiel pustululojn k malseriozul-ojn.

N. B.

Eldonoj de Nederl. L.E.A. (Postbus W. 6, Amsterdam):

WAT JEDER VAN ESPERANTO WETEN MOET (Kion ĉiu devas scii pri esperanto), de G. P. de Bruin. 24 p. Form. 13 x 19. Prezo: 0.05 gd.

Propaganda broŝuro de la Federacio kun parto de la materialo, kiun oni esperantlingve trovas en « Gvidilo ».

AMERIKA BESTOND REEDS VOOR KOLOMBUS, 8-paĝaĵo, entenanta artikolon verkitan espe-de K-do E. Lanti: « Ameriko ekzistis jam antaŭ Kolumbo », kiu unue aperis en « Laborista Esperantisto » k estis represata sub broŝura formo por la propagando en Nederlando. Pledo por artefarita lingvo k SAT.

ISE-KALENDARO 1934. Eld. Internacio de Soc. Esperantistoj, Angererstr. 14, Wien XXI, Aŭstrio. 64 pg. Form. 11 x 15 cm. Prezo: 0.60 aŭstraj ŝil. + sendkostoj.

Kun statuto de ISE, laboristaj memordatoj k artikolo pri la esp. movado, en kiu estas pluraj malĝustaj asertoj pri SAT.

La laborista klubo en Hovslätt aranĝos internacian letervesperon la 20-an de marto nun-jare k atendas amason da poŝtkartoj k leteroj de Gek-doj en la tuta mondo. Do, karaj samideanoj, sendu al ni multajn skribaĵojn. Adreso: La esperantoklubo, Hovslätt, Box 82, Svedlando. Resp. garantiata.

Radio-Programo

27.II.: 20.50-21.00: Barcelono, 252 m, parolado (same: 6.3.)

21.30-22.00: Leningrad. 1224 m, industriaj atingoj. (samhore: 3.3., 6.3., 9.3.)

1.III.: 23.00-23.30: Helsingborg, 200 m, pri Stokholmo.

3.III.: 17.15-17.25, Brno, 325 m, parolado (same: 10.3.)

18.30-18.45, Zagreb, 276 m, parolado.

4.III.: 13.00-13.30, Karlskrona, 196 m, stud-rondo.

7.III.: 22.00-22.20, Warszawa k relajoj, parolado.

Du junaj socialistoj dez. korespondi kun eksterl. Gek-doj fidelaj al la marksistaj principoj. Resp. gar. K-do Ragnar Tångvall, Bergstränd 3, Malmö, Svedio.

ATENTU, GEK-DOJ!

La grupo Amsterdam I intencas dum septembro montri al la publiko la disvastigon de nia lingvo per geografia karto k korespondado el la tuta mondo. Niaj membroj ankaŭ volas korespondi.

Bonvolu skribi el ĉiuj landoj al:

J. PREKER, Smaragdstr. 5, III

Amsterdam (Z)

Nederlando

KURSGVIDANTOJ ATENTU!

Korespondigu viajn lernantojn! Sendu adresojn al K-do Simon Aarse, p.a. Svensson. Västmannagatan 17, B. IV. Stockholm. (Svedio).

GEKAMARADOJ ATENTU!

Svedaj gejunuloj deziras korespondi kolektive aŭ individue kun junaj gekamaradoj el ĉiuj landoj, per leteroj aŭ ilustritaj poŝtkartoj. Certe respondos. Adreso: Esperanto-klubo « Internaciaj amikoj », Box 45. Ståldalen. (Svedio).

INTERNACIAN LETERVESPERON

aranĝos Lab. Esp.-Klubo de Värtan 22-an de marto. Ĉiu letero estos nepre respondita. Sendu al K-do Gustaf Johansson, Nimrodsgratan 4. Värnan. (Svedio).

ATENTU GEKAMARADOJ!

5 SAT-anoj dez. kor. kun Gek-doj el ĉiuj landoj pri ĉiu temo. Nepre respondos. Skribu al: Sven Johansson, Kyrkog. 71, Arvika, Svedio.

Gekamaradoj ĉiulandaj, atentu!

La laborista esperanto-grupo « Per esperanto al mondpaco » aranĝos je fino de marto Letervesperon, por varbi inter laboristaj rondoj. Helpu! Sendu leterojn, poŝtkartojn, afiŝojn ktp. Ni ne faros, kiel multaj aliaj, kiuj promesas respondi, sed neniam faras. Ni certe respondos k rekompencos vin! Do sendu multnombre al:

K-do T. Vrees, Cereslaan 51, Bussum, Nederlando.

Ĉi subaj Gek-doj deziras korespondadon:

A. de Vaal, Florialaan 26, Bussum, K-do J. v. d. Heeg, Meeklenburglaan 70, Bussum, K-do Pia Poldervaarl, Meijerkampaan 49, Bussum, K-dino Cor. Pieters, Keizer Ottost. 105, Bussum, K-dino H. R. Sibbing, Spijkerstr. 8, Bussum, K-do A. Snijders, Korte Godelindestr. 10, Bussum, K-do A. v. d. Heide, Graaf Florislaan 7, Bussum, K-dino Dika Sloodweg, Driftweg 87, Huizen (N.H.) K-dino H. Buis, Hooftlaan 9, Bussum.

Korespondado

BELGIO.

20 gekursanoj diversmetiaj dez. kor. kël. gekomencantoj. Skribu al: « Juneco », Maison du Peuple, Souvret.

BULGARIO.

K-do Vitali Rahaminov, Sofronij 22, Varna, kun Gek-doj prefere francaj, pri ĉ.t., precipe literaturo k socia vivo.

DANIO.

Kun ekstereŭropanoj k sovetianoj deziras pozitivan korespondadon K-do Paulo Thorsen, Grønnegade 3, Hillerød.

GERMANIO.

K-do dez. koresp. kël. PK., L. Certa respondo. Skribu al: P. Aarts, Laanderstr. 9, Heerlen, Nederlando (limdistrikto).

HISPANIO.

K-do 23-jara dez. koresp. kun Gek-doj ĉl. pët., ĉefe pri laboristaj temoj. Adreso: Johano Oleari, Ruiz Padron 35, 3º, 2-a, Barcelono.

Laborist-esperantista grupo celanta malfermi (por 1. majo) gravan ekspozicion kontraŭ-militan k kontraŭfaŝisman, petas ricevi materialon el ĉiuj landoj. Adr.: A. E. Espero, Montana 62, 2º, Barcelono.

Kamaradinoj, pretaj partopreni nian XIV-an Kongreson, ekrilatu kun junlaborista rondeto. Certa resp. Skribu al: Solere Pérez, Hernan Cortés Valencia.

K-do Rafael Vizcaino, Banco Hispano Americano, GANDIA (Valencia) interŝanĝas P. M. kun ĉiuj landoj.

NEDERLANDO.

Esp. grupo en Amsterdamo aranĝos letervesperon la 27. marto. Sendu PK., L., ktp., al K-do A. Albrink, Ploegstraat 123, Amsterdam. Resp. gar.

La 7-a Rolerdama sekcio aranĝos letervesperon la 18-an de aprilo. Ĉiu, kiu skribos, ricevos respondon. Adr.: Jan Snel, 2º Gijsingstr. 56, B. Rotterdam.

POLIO.

20-jara fraŭlo dez. kor. kun eksterl. gesamideanoj. Resp. gar. J. Besser, ul. Graniczna 16-10, Warszawa.

K-do W. Kipper, 25, Boul. des Chasseurs, Oran, Algerio, dez. kor. kun ĉl. nudkulturistoj k interŝ. fotografajojn.

LETERVESPERON

aranĝos la Klubo Nordlumo la 16-an de marto. Gek-doj el ĉiuj landoj skribu k montru, ke esp-o estas uzata en la tuta mondo. Adreso: Esperantoklubo Nordlumo, Östra Kyrkogatan 14, Umea, Svedio.

En Kävlinge estas 15 infan-esperantistoj

en aĝo de 12-14 jaroj. Ni tre volonte volas korespondi kun gesamideanoj el ĉiuj landoj. Letervesperon ni havas la 4-an de marto. Sendu leteron k poŝtkarton al:

Tage Sjöström, Björkeslund.

Rinneback (Svedio).

La plej ampleksa k informiĉa periodaĵo de SAT estas

SENNACIECA REVUO

kun soci-politika k literatur-sciencia partoj.

Ĉiumonate 16 paĝoj. Ilustrita. Originalaj raportoj el multaj landoj pri ekonomio, politiko, laborista movado

Unuopa numero: 2,50 ffr. Jarabono: 25 ffr (Por aktivaj SAT-anoj speciala tarifo)

SAT, 23, rue Boyer, Paris 20.